

Kech kirib, qosh qorayayotgan payt edi. Mehmonim va do'stim Haynrih Mor kechki sayrdan qaytib kelib, ish xonamda kamina bilan birga o'tirardi. O'ydim-chuqur derazadan olisdag'i qirg'oqlar ko'l g'ira-shira ko'rini turardi. Kichik o'g'lim bizga xayrli tun tilab ketdi-yu, suhabatimiz beixtiyor bolalik va u bilan bog'liq xotiralarga ko'chdi.

Farzandli bo'lganimdan beri, gap boshladim men, bolalik davrimdagi ba'zi bir ishqibozliklar yana qo'ziy boshladi. Hatto kapalak yig'a boshlaganimga ham qariyb bir yil bo'lib qoldi. Kapalaklarimi ko'rasanmi?

U "ha" dedi va men yengilgina qog'oz qutilardan ikki-uchtasini olib kelgani ketdim. Olib kelib, qutilardan birinchisini ochganimda, avvaliga uning ichi qorayib ketganini sezdi; qanotlari tik kapalaklar esa bir-birini ajratib bo'lmaydigan holda edi. Chiroqni yoqqani gugurt chaqqandim, birdan tashqaridagi manzara allaqayoqqa g'oyib bo'ldi, derazani tungi ko'kimtir zimiston chulg'ab oldi. Endi kapalaklarim chiroq yorug'ida qutu ichida ajoyib bir tarzda yaraqlab ketdi. Biz qutichaga engashib, chiroyli, rang-barang kapalaklarni tomosha qilib, ularning nomlarini atay boshladik.

Mana bu sariq rangli tasma kapalak, dedim men unga, lotincha nomi "fulminea" deb ataladi, bu yerlarda kam uchraydi.

Haynrih Mor qutidagi kapalaklardan birini ignasi bilan oldi-da, uning qanotlari ostiga sinchiklab razm sola boshladi.

Qiziq, dedi u, kapalaklarni ko'rishim bilan bolalik xotiralarim bu qadar aniq yodga tushadi deb sira o'ylamovdim.

U kapalakni yana o'z joyiga qadab qo'yarkan, quticha qopqog'ini yopib, "Bas, yetar!B" dedi.

Bu gapni u to'satdan va shu qadar tez aytdiki, nazarimda ushbu xotiralarini eslash unga yoqmayotgandek tuyuldi. Qutichani joyiga eltib qo'yib, qaytib kelganimda uning ensiz, qoramtil chehrasida tabassum paydo bo'lgandi. U mendan sigareta so'radi.

Kapalaklarining yaxshilab ko'rmaganimga mendan xafa bo'lma, dedi u.

Bolaligimda mening ham xuddi shunaqa to'plamim bor edi, lekin afsuski, u bilan bog'liq xotiraga mening o'zim nuqta qo'yanman. Bu voqeani eslash kamina uchun uyat bo'lsa ham, uni senga aytib bermoqchiman.

U sigaretani chiroq shishasi ustiga tutib yondirdi, chiroqning yashil qalpoqchasini yopib qo'yi, yuz-ko'zlarimizni qorong'ilik qopladi, u ochiq turgan deraza raxiga cho'nqaydi. Endi uning ozg'in, kelishgan jussasi zimiston ichida ko'rinnay qoldi. Kamina sigareta tutatdim, tashqarida, uzoqda qurbaqlarning vaqir-vuqir ovozlari tunni tutib ketdi, do'stim esa hikoyasini so'zlay boshladi.

Kapalak yig'ishni sakkiz yo to'qqiz yoshlarmida boshlaganman. Dastavval bunga o'ta berilib emas, balki shunchaki boshqa o'yinlar va qiziqishlarim qatori qaraganman. Ammo ikkinchi yozda, o'shanda kamina o'n yoshlar atrofida edim, ushbu qiziqishim meni butunlay o'ziga rom etib, shunaqangi ishqibozlikka aylandiki, buni menga bir necha marta taqiqlab qo'yishlariga ham to'g'ri kelgandi, chunki kapalakdan boshqa hamma narsani unutib yuborgandim. Kapalak tutayotganimda shunday berilib ketardimki, hatto minoradagi soatning bong urishi ham qulog'imga kirmasdi, bunday hol maktabga borayotganimda yoki tushlik vaqtida, shuningdek, ta'til paytlarida ham tez-tez bo'lib turardi, ko'pincha ovqatlangani uysa ham kelmasdan, ertalabdan to shomga qadar uydan olib chiqqanib bir burda non bilan qanoatlanib yuraverardim.

Hozir ham ba'zan favqulodda chiroyli kapalakka ko'zim tushib qolgudek bo'lsa, o'sha ishqibozligim tutib qoladi. Shunda kamina yana bolalarga xos qandaydir noma'lum, o'tli zavq-shavq chulg'ab oladi. Bolaligimda ilk marta maxaon (qora xol-xol katta sariq kapalak)ni tutgan paytimda ana shunday quvongandim. Shundan keyin, bolalik chog'larimda tushdan keyingi jazirama issiqlarda quruq hovurli dala-yu o'tloqlarda, ertalabki salqin bog'larda yoki kechki sirli o'rmon etaklarida xuddi xazina izlovchiga o'xshab, daqiqa sayin ajoyib tasodiflarga, kutilmagan hodisalarga va omadga umid bog'lab, qo'lida to'r bilan payt poylab yurgan adoqsiz damlarim birin-ketin yodga tushadi. O'shanday damlarda chiroyli bir kapalak, mayli juda noyob bo'lmasa ham, gul bandiga qo'nib, quyoshda tovlanib, rang-barang qanotlarini birma-bir yozib-yig'ib turganini ko'rib qolsam bormi, quvonchdan entikib, nafasim bo'g'zimga tiqujadi, unga yaqinroq borib, qanotlaridagi tip-tiniq tomirchalarini, yaltiroq rang-barang dog'larini, tumshuqchasiagi har bir nafis tukni tomosha qilish menga shunaqangi zo'r, yoqimli quvonch bag'ishlardiki, kaminaga bunday go'zal tuyg'uni his etish keyingi hayotimda ham nasib etmasa kerak.

Kapalaklarimi oddiy eski qutida saqlardim, chunki ota-onam kambag'al bo'lganliklari sababli menga qimmat narsalarni sovg'a qilolmas edilar. Quti ichiga ignalarni qadab qo'yish uchun shisha tiqinidan kesib-kesib olingan po'kak parraklarni yelimalab chiqqandim, boyligimni qutining ana shu mayda-mayda karton qopqoqchalari orasida asrab-avaylar edim. Avvaliga uni o'rtoqlarimga bajonidil va tez-tez ko'rsatib turardim, biroq boshqalarning oynavand qopqoqli yog'och qutilari, kapalak qurtga mo'ljallangan yashil doka qoplalmali va undan ham zo'r qutilar bor edi, shu sababdanmi, men o'zim yasagan oddiygina jihozim bilan ular oldida maqtana olmas edim. Bunga unchalik ehtiyoj ham sezmasdim, shu tariqa binoyidek va hatto qoyilmaqom o'lja tutganimda ham, buni hech kimga aytmasdan sir saqlashga, faqat singillarimgagina ko'rsatishga odatlangandim. Kunlarning birida bizda kam uchraydigan ko'k rangli kapalak tutib oldim, qanotlarini tarang tortib, quritgach, uni hech bo'lmasa qo'shnilarimizga, hovlining narigi tarafida yashaydigan muallimning o'g'liga ko'rsatib, maqtangim keldi. Bu bolaning aybi, nihoyatda puxta ish qilardi, bu xususiyat ba'zi bolalarda ayniqsa kuchli bo'ladi. Uning ham arzimagan kapalaklar to'plami bo'lib, uni juda ehtiyoj qilib saqlar, shu bois uni xazina deyish mumkin edi. U hatto kapalaklarning singan va shikastlangan qanotlarini ham yelimalab, qayta tiklay olishdek noyob va qiyin hunarning hadisini olgandi. To'g'risi har jihatdan qobil bola bo'lganidan unga hasad aralash havas bilan qarardim.

Ana shu qobil bolaga tovlanadigan rangin kapalagimni ko'rsatdim. U uni omilkor mutaxassis singari sinchiklab ko'zdan kechirdi, uning noyobligini e'tirof etdi va unga salkam yigirma pfennig[1] narx belgiladi; Emil chindan ham to'plamga taalluqli barchi ashayolarni, ayniqsa, pochta markalari hamda kapalaklarni qiyamatini chandalab, baholay bilardi. Biroq, shundan so'ng u tovlanadigan ko'k rangli kapalaklarni tanqid qila boshladi, uningcha, kapalaklarning qanotlari tarang tortilmagan, o'ng murthiasi bukilgan, chap murthiasi esa tikkayan emish, shu asnoda u yana bir kamchilikni to'g'ri topdi, ya'ni kapalakning ikkala oyog'i ham yo'q edi. Menimcha, bular unchalik katta nuqsonlar emas edi, lekin shunday bo'lsa ham, manovi injiq mening quvonchimga oz bo'lsa-da, putur yetkazib bo'lgandi, shundan so'ng kapalaklarimi unga ko'rsatmaydigan bo'ldim.

Oradan ikki yil o'tdi, biz endi kap-katta o'smir bolalar bo'lsak-da, lekin menin kapalaklar tutishga bo'lgan ishtiyoyim hamon avjida edi. Bir kuni o'sha Emil tungi katta chipor kapalak tutibdi degan mish-mish tarqaldi. Bu gap meni bugun bir o'rtog'imning bir million merosga ega bo'lgani yoki Liviusning yo'qolgan kitoblarini topib olgani haqidagi xabardan ham ko'ra kuchliroq hayajonga soldi. Tungi chipor kapalakni bizlardan hali hech kim tutolmagan edi, men uni o'zimdag'i kapalaklar haqidagi eski kitobga solingen rasmdangina bilardim, undagi misdan ishlangan naqshin gravyura menga ba'zi zamonaviy rang-barang bosma nashrlardan ham ko'ra go'zalroq va puxtarroq tuyulardi. Nomlarini o'zim biladigan va hali qutichamdan joy olmagan barcha kapalaklar ichida tungi chipor kapalakni qidirib topishga bo'lgan ishtiyoyim nihoyatda kuchli edi. Shu bois uning kitobimdag'i

suratini tez-tez tomosha qilib turardim. Bir o'rtog'im menga u haqda shunday degandi: "Agar daraxt tanasida yoki qoyada qo'nib turgan jigarrang kapalakka biron qush yo parranda yoki boshqa bir g'animi hamla qilmoqchi bo'lqa bormi, u darhol oldingi qoramtil qanotlarini yozib yuborib, chiroylor qanotlarini ko'rsatar, shunda ulardagagi katta tiniq ko'zlar nogahon g'alati ko'rinish ketarkan, bundan cho'chigan qush esa kapalakni xoli qo'yarkan".

Shunday ajoyib kapalakka kelib-kelib o'sha mijg'ov Emil ega chiqib o'tirsa-ya! Buni eshitib, avvaliga suyundim, mana, nihoyat, noyob kapalak ham ko'rarkanman, deb qiziqishim battar ortdi. Keyin esa, shunday sirli va noyob kapalakni mana shu mijg'ovning qo'liga tushsa-ya, deb beixtiyor alam qila boshladi. Nihoyat, o'zimni bosdim va unikiga borishni ham, tutgan kapalagini tomosha qilib o'tirishni ham o'zimga ep ko'rmadim. Biroq ana shu voqeasira xayolimdan ketmadi va ertasi kuni mактабда o'sha mish-mish tasdiqlangandan so'ng, borishga qat'iy qaror qildim.

Tushlikdan so'ng uydan chiqishning imkon bo'ldi deguncha hovlidan chopib o'tib, qo'shni uyning to'rtinchini qavatiga ko'tarildim, u yerda xizmatkor qizlarning xonalari va taxta devorlar bo'lib, ularning yonidagi men havas qiladigan mo'b'rijzina xonada muallimning o'g'li yolg'iz o'zi yashardi. Yo'lida borayotgan hech kimni uchratmadim, yuqoriga chiqib xona eshigini taqillatgandim, hech qanday javob bo'lmadi. Emil uysa yo'q edi, tutqichni bosgandim, eshik ochildi, odatda uni o'zi yo'qligida erinmay mahkamlab berkitib yurardi. Ichkariga kirib, hech bo'lmasa kapalakni ko'ray deb, darhol tarang tortib qo'yiladigan tokchada bo'lishi mumkinligi xayolimga kelgunga qadar uni behuda qidirdim. Haqiqatdan ham men uni o'sha yerdan topdim: jigarrang qanotlari ensiz qog'oz tilimchalari bilan tarang qilib tortib qo'yilgan tungi katta chipor kapalak tokchada osig'liq turardi, unga tomon engashib, uning tuk bosgan och jigarrang murtlarini, xushbichim va nafis rangin qanotlarining chetlarini, quyi qanotlari ostidagi, chetidagi nozik tuklarini, barchasini shundoq yaqindan turib tomosha qildim. Faqtgina ko'zlarini ko'rolmadim, chunki ularni qog'ozchalar to'sib turgandi.

Yuragim dukillab, vasvasaga tushdim, qog'ozlarni shartta olib tashladim-da, nina-to'g'nag'ichni sug'urib oldim. To'rtta katta-katta ko'z menga qarab turar, ular rasmdagidan chiroyliroq va ajoyibroq edi, ularga qarab turarkanman, shu tobda meni go'zal kapalakni qo'lg'a kiritishga bo'lgan shunaqangi kuchli ishtiyoq chulg'ab olgandiki, o'ylab ham o'tirmasdan, hayotimda birinchi marta o'g'rilikka qo'l urdim, allaqachon qurib qotgan va shakl-shamoyilini yo'qotmagan kapalakni igna-pignasi bilan asta sug'urib olib, kaftimda ko'tarib xonadan olib qochib ketdim. Shu onda men favqulodda zo'r qoniqish tuyg'usidan bo'lak hech nimani his etmas edim.

Kapalakni o'ng qo'limda yashirganimcha, zinadan tusha boshladim. Shunda pastdan kimningdir menga tomon kelayotgani eshitildi, birdan vijdonim qiynalayotganini, o'g'irlilik qilib qo'yiganimni va o'zimning yaramas bola ekanligimni angladim. Ayni paytda azbaroyi sirim fosh bo'lib qolishidan qo'rqqanididan savqi tabiiy ravishda o'ljani tutib turgan qo'limni nimcham cho'ntagiga soldim-da, asta yo'limda davom etdim. Menga qarab kelayotgan oqsoch qiz yonidan qo'rqa-pisa, ablahlik va sharmandalikdan yelkamni qisib o'tib, uyimiz eshigi oldida turib qoldim. Yuragim hamon duk-duk urar, peshonam terlab ketgan, o'z-o'zimdan dahshatga tushib, nima qilishimni ham bilmasdim.

Nihoyat, kapalakni ortiq ushlab turolmasligimni, bunga haqqim ham yo'qligini va uni joyiga qaytarib olib borib, hech narsa bo'limgandek qilib qo'yishim kerakligini tushunib yetdim. Shundan keyin yo'lida ketaturib, biron kimsani uchratib qolishdan va sirim fosh bo'lishidan ham qo'rmasdan, tez ortimga burildim, zinadan yugurib chiqib, bir daqiqadan so'ng yana Emilning xonasida paydo bo'ldim. Qo'limni avaylab cho'ntagimdan chiqardim-da, kapalakni stol ustiga qo'ydim. Unga bir qur nazar tashlab ulgurmayoq, falokat sodir bo'lganini ko'rib, sal bo'lmasa ho'ngrab yuborayozdim, chunki tungi chipor kapalak butunlay dabdala bo'lgan edi. Uning o'ng old qanoti va o'ng murti yo'q edi, shunda singan qanotni ehtiyojkorlik bilan cho'ntagimdan olmoqchi bo'lgan edim, u ham titilib ketdi, endi uni yamab boylashning sira iloji yo'q edi.

Shu topda meni o'g'rilikka qo'l urganim haqidagi o'ydan ham ko'ra o'zim abgor qilgan ana shu go'zal va noyob kapalak nigohi ko'proq qiyndardi. Barmoqlarimga harir jigarrang qanot changlari yopishib qolgan, singan qanot ham shu yerdan edi, men shu onda uni qaytadan butlash uchun bor mol-mulkim va har qanday quvonchimni qurbon berishga ham tayyor edim.

Xafa bo'lib uuga bordim va tushdan so'nggi butun vaqtimni o'zimizing mo'b'rijzina bog'imizda o'tkazdim, kech tushganidagina yurak yutib, onamga hammasini aytib berishga jur'at etdim. Onam qo'rqib ketdi va xomush bo'lib qoldi, biroq aybimga iqror bo'lismuning o'ziyoq menga har qanday jazoga mustahiq bo'lismidan ko'ra qimmatga tushganini dildan his etib turardi, chog'i.

Sen Emilning oldiga bor va o'zing unga hammasini aytib ber, dedi onam nihoyat, qat'iy ohangda. bu sen uchun birdan-bir va yagona imkoniyat, toki bu ishni qilmas ekansan, men seni kechira olmayman. Unga ayt, narsalaridagi o'rinma-o'rin o'ziga yoqqanini tanlab olsin, va albatta, undan kechirim so'rashni ham unutma.

Bu ish o'sha namunali boladan boshqa har qanday o'rtog'imda osonroq kechishi mumkin edi. Uning meni tushunmasligini va ehtimol, menga umuman ishonmasligini ham oldindan his qilib turardim. Kech kirib, qorong'i tushay deb qolgan bo'lqa ham, u yerga qanday qilib borishni bilmasdim. Pastda, dahlizda onam uchrab qolib, yana uqtirib sekingina dedi: "Unga shu bugunoq borib aytishing kerak, hoziroq bor!"

Nihoyat, bordim ham, pastki qavatdan Emilni so'radim, u keldi va birdaniga kimdir uning tungi chipor kapalagini rasvo qilganini so'ylay ketdi, u bu ishni kim qilganini, bironqa yomon bolami yo qush-mush yoki mushukmi, bilmas edi. Shunda men bilan birga yuqoriga chiqib, menga o'sha kapalakni ko'rsatishini iltimos qildim. U bilan birga yuqori qavatga chiqdik, o'sha xona eshigini ochib, shamni yoqdik, tokchada dabdalsi chiqqan kapalak yotardi. Uning kapalakni qaytadan tiklash ustida ishlagani ko'rinish turardi, singan qanot avaylab yoyilgan va momiq qog'oz ustiga qo'yib qo'yilgan, lekin uni qayta tuzatib bo'lmasdi, chunki endi kapalakning murti yo'q edi u yo'qolgandi.

Nihoyat, unga bu ishni men qilganimni aytib, hammasini gapirib tushuntirishga harakat qildim. Shunda Emil achchig'i chiqib, baqirish o'rniga, tishlari orasidan sekingina hushtak chalib menga uzoq tikilib turgach, dedi: "Shunaqami, demak, hali shunaqaman degin..."

Men unga barcha o'yinchoqlarimni taklif qildim, u hovuridan tushgan bo'lqa-da, menga hamon nafrat bilan qarab turardi, shunda unga butun kapalaklarimni taklif qilib ko'rdim. Ammo u menga:

Katta rahmat, sening kapalaklarining bilaman. Qolaversa, kapalaklarga qanday munosabatda bo'lising ham bugun ayon bo'ldi. Rosti uning giribonidan olishimga bir bahya qoldi. Endi hech narsa qilib bo'lmasdi, men ablah, yaramas odam edim va shundayligimcha qolgandim, Emil esa mening oldimda xuddi dunyoda adolat va tartib ramzidek sovuq va nafratomuz qiyofada turardi. U meni hatto koymadi ham, faqat menga qarab turar va mendan nafratlanardi.

Shunda men, agar bir marta xato qildingmi, uni qayta tuzatib bo'lmasligiga ilk bor guvoh bo'ldim. Uyga ketdim, onam so'rabsurishtirish o'miga yuzimdan o'pib, indamay qo'yaqolanidan xursand edim. Vaqt allamahal bo'lib qolgan, yotib uxlashim lozim

This is not registered version of TotalDocConverter
ed. Lekin avvalasizdan yashimda katta yig'anlang qutini olib chiqdim, uni karavot ustiga qo'yib, qorong'ida ochdim. Keyin kapalaklarimni birma-bir qo'limga oldim-da, birin-ketin barmoqlarim orasida changini chiqarib ezg'ilab tashladim.

Б†‘ Pfennig chaqa, olmon markasining yuzdan biri.